



საბერძნეთის ჭეშმარიტი მართლმადიდებელი ეკლესია

ოქმი № 3181

საადგომო ეპისტოლე 2023

„რომელი აღსდევ მკუდრეთით,
აღმადგინენ ჩუწ ცოდვითა დაცემულნი ესე!“

(დასდებულნი აღდგომისანი, ჯმა 4)

აუფლის მიერ საყვარელნო მამანო და ძმანო,

მაცხოვარი და მხსნელი ჩვენი უფალი იესო ქრისტე გამოუთქმელი სახიერებითა და კეთილმოწლებით მოვიდა „ჩვენ შორის“ და დაითმინა საშინელი ვნება, შეურაცხყოფისა და ჯვარცმის სირცხვილი, სიკვდილი და დაფლვა, რათა შემუსროს ხელმწიფება მტერისა - ეშმაკისა, მოკლას სიკვდილითა სიკვდილი და თავისი კაცთა მოდგმის მაცხოვრებელი მკვდრეთით აღდგომით თავისუფლება, ცხოვრება და აღდგომა მოგვანიჭოს.

სიტყვა ღმერთი მოვიდა მიწაზე, ხორცი შეისხა, მიიღო ჩვენი კაცობრივი ბუნება, უძღურება და სიგლახაკე თვინიერ ცოდვისა და ამგვარად თავის თავთან იპოსტასური შეერთებით განაღმრთო იგი. არ განაგდო მისი მახასიათებელი თვისებანი, რომელნიც უცვალებელად და დაურღვეველად დაიცვა ღვთივშვენიერი შეერთების შემდგომაც. მთელი თავისი გამომხსნელი საქმით, უმეტეს კი, მესამისა დღისა მკვდრეთით აღდგომით ფართოდ განგვიღო ზეცისა ბჭენი, რათა არარად დაგვაბრკოლებდეს ზეაღსვლად და სასუფეველისა მკვიდრობად.

ღმერთკაცი უფალი ჩვენი განგვიხვამს ზეცას, რომელიც ადამმა ურჩებით დაჰხშა კაცთა მოდგმისთვის. მხოლოდ იგი კაცთმოყვარე შთახდა ჯოჯოხეთად, ხელი უპყრა პირველსა მას მამასა და ძველთა მართალთა უსამართლოდ შეკრულთა და მუნით აღმოიყვანა; და ასევე მოგველის ჩვენ ყველას თავის მარადიულ სასუფეველში.

* * *

აღდგომილმა ქრისტემ, ჭეშმარიტმა ღმერთმა, გვშვა ჩვენ „წყლისაგან და სულისა“ (იოანე 3,5),



მოგვანიჭა წინდი კეთილთა, რომელსა მოველოდით. იგი გვიბოძებს ურიცხვ სიკეთეებს თავის წმინდა ეკლესიაში და საღმრთო ლიტურგიის სულიერ ტრაპეზთან გვიწვევს, რათა უხრწნელ-გვყოს და **ცოდვის მრავალსაღმობიერ სამარეთაგან გამოგვიტაცოს.**

როგორც მაცხოვრის ამქვეყნად მოვლინების ჟამს ღვთაებრივი სიტყვის მსმენელ და განსაკვირველი სასწაულების მხედველ ხალხს **სულიერ გრძნობათა დახშულობის გამო** არ სჯეროდა მესიისა. ჩვენ დროშიც, ისევე როგორც ყველა სხვა ეპოქაში, არ სწამს მკვდრეთით აღმდგარი მაცხოვრის ადამიანთა უმრავლესობას, იესო ქრისტეს მხედველსა და მსმენელს ეკლესიის, საღმრთო წერილისა და წმინდა სასწაულმოქმედთა საშუალებით.

მაგრამ პრობლემა არამხოლოდ ურწმუნოებში და ცრუდმორწმუნეებშია. პრობლემა ჩვენშიც, მორწმუნეებშიც იჩენს თავს, როდესაც რაიმე სულიერი მარცხი შეგვემთხვევა და ჩვენი სულიერი მცონარების გამო ცოდვის მიზეზით მტრის - ეშმაკის მიერ ტყვექმნილნი აღმოვჩნდებით.

ასეთ მომენტებში, ღირსი ისააკ ასური გვირჩევს, გავიხსენოთ თუ რა გვიქმნია პირველ, როგორნი ღვაწლნი აღვისრულებია და ვითარ დავმშვრალვართ სულიერი ტყვეობიდან განსათავისუფლებლად, ვითარ ვლადადებდით ღმრთისა მიმართ, რაფთა განეგდო სიცონილი და ღვთაებრივი ნუგეშინისცემა ებოძებინა. ამ გზით იღვიძებს სული, ღვთაებრივი მოშურნეობის ალი ინთება და კვლავ განახლდება სასოება; მაშინ **სული აღდგება მკვდრეთით** და პირველსა მას კეთილსა წესსა და რიგს დაუბრუნდება (სიტყვა 2). აი, მაგალითი და საქმიანი ცნობა აღდგომისა ჩვენ ლიტონ ცხოვრებაში!

ღირსი სვიმეონ ახალი ღმრთისმეტყველი გვასწავლის, რომ ღმერთი იმისთვის განკაცნა, ჯვარს ეცვა, მოკვდა და აღდგა, რომ ამ ცხოვრებაშივე მოგვანიჭოს **აღდგომა სულისა**. მაშინ ფრიად გაფანტული ჩვენი გონება წესიერებას იძენს და ლოცვისა და ღვთის სიტყვის გარშემო შემოიკრიბება, იკურნება და საკუთარი თავისა და ღმრთის შემეცნებას იწყებს (ანბანური თავნი, 12).

* * *

აღდგომილი უფლის მიერნო ძმანო და მამანო,

მაცხოვარი ჩვენი რაღდა ჩვენთვისაც, ამჟამინდელი მორწმუნეების, ნათელღებული და ღმრთის ჭეშმარიტების თამამად აღმსარებლი მართლმადიდებლებისთვის. და ჩვენც, მის მაცხოვრებელ მცნებათაგან რომელთამეს დამრღვევნი ნუ ვიორგულებთ, ნუუკვე დატევებულ ვიქმნეთ **„სულიერ კურნებათაგან“!** ყოველი ჩვენგანისთვის, უდებთა და უკან დაშთომილთათვის აღსდგა უფალი, რაფთა თავისი სიწმინდისკენ მიგვზიდოს!

ბრწყინვალედ მმარხველთა თუ ნაკლულევანთა, სრულებით შევინანოთ ყოველთა, რათა სარწმუნოებით მივეახლოთ

უფლის პატიოსან ხორცსა და სისხლს და აღვივსოთ სულიერი კეთილსუნნელებით. ყოველნი, ღვთაებრივი მადლით განმტკიცებულნი და ხორციელი ბიწისგან თავის წმინდად დამმარხველნი, ჩვენი ჭეშმარიტი სიძის მადლით და არა კაცობრივი სიმართლით დავდგეთ უკვდავების ტრაპეზთან. მივილოთ კურნება სულისა და ხორცისა და სიხარულით დავრწყულდეთ ღვთაებრივი სიტკბოებით: „ესე არს დღე, რომელ ქმნა უფალმან, ვიხარებდეთ და ვიშვებდეთ ამას შინა!“

ვიყოთ ყოვლადწმინდასამების ჭეშმარიტი მადიდებელნი ამქვეყნად, მშვიდობით და უშფოთველად ვმოქალაქობდეთ, რათა ცათა შინა თაყვანის-ვსცეთ სამწმინდა ღმერთს, უკუნითი უკუნისამდე, ამინ!

ქრისტე აღსდგა! ჭეშმარიტად აღსდგა!

აღდგომა ქრისტესი 2023

წმინდა სინოდი

**მთავარეპისკოპოსი † კალინიკე
ათენისა და სრულიად ელადისა
სინოდის წევრები**